

۱ هو وختان انطاكيه كليسا دورون، چندتا نبي و معلم ايسه بيد
 كي اشان نام: برنابا، شمعون كي ان «نيجر» دوخوآديدي، لوكيوس
 قيرواني و منائن كي هيروديس نابرابري بو و شائول تارسوسي هم اوشان امراً
 بو. ۲ ايتا روزي كي اوشان روزه گيفتن ديبيد و خوداوند عيادت كودن ديبيد،
 روح القدس اوشان بوگفته: «برنابا و پولس انتخاب بوكونيد به خاطر كي من اوشان
 خدمتي ره دوخوادم.» ۳ او وخت بعد روزه و دوعا، او دو نفر خدمت ره دس گذاري
 بوكوديد و اوشان اوسه كوديدي جزيره ي قبرس.

بشارت دئن پولس و برنابا جزيره ي قبرس ميانى

۴ روح القدس شائول و برناباي اوسه كوده كي بشيد بندر سلوكيه و جه راي
 دريا فارسه يدي قبرس. ۵ وختي اوشان وارد بندر سالاميس بوبوستيدي، يهودي
 كنيسه يان دوروني خودا كلام موعظه كوديدي. يوحنايم كي معروف به «مرقس»
 بو، اوشان امراً خدمت كودي.

۶ آسه نفر سرتاسر او جزيره ي بگردستيدي تا فارسه يدي شهر پافوس دوروني.
 اويه اينفر بيده يدي كي يهودي جادوگر و نبي ي دروغى بو كي بازيشوع نام داشتي
 و اون «عليما» هم دوخوآديدي. ۷ اون ايتا جه دوستان والي ي او شهر، سرگيوس
 پولس، بو. والي كي مردى دانا بو شائول و برناباي دوخوآده، چونكي خواستي
 خودا كلام بيشنوه. ۸ ولي عليما، كي اون نام به معنى جادوگر ايسه، اوشان امراً
 مخالفت كودي كي وناله سرگيوس پولس ايمان باوره. ۹ شائول، كي اون پولس

دوخواأیدی، روح القدسؑ جا پور بوسته به اون چومان خیره بوبوسته، بوگفته: ۱۰ «ای ابلیسؑ زای، ای دشمنؑ توماؑ خوبیان، کی پور مکر و حيله ایسی! نخوایی جه گمراه کونؑ مردومان جه راه راستؑ خوداوند دس بکشی؟ ۱۱ بدان کی هسه خوداوند دسؑ امرأ تی چومان کور به و چند روزی نتانی آفتاب بیدینی. هو وخت علیما چومان کور بوسته و نتانستی چیزی بیدینه. ا طرف او طرف گردستی و مردومؑ جا کومک خواستی کی اونؑ رای نشان بدید.

۱۲ وختی والی اونچیؑ کی پیش بمو بیده، ایمان باورده چونکی جه اوشانؑ تعلیم دربارہیؑ خوداوند، هاج و واج بمأنسته بو.